

gustav / July 22, 2014 09:03AM

[如轉輪王具足七寶。云何為七？所謂大觀察故、大隨順故、大智慧故、大精進故、大方便故、大證悟故、大事業故... 《大乘理趣六波羅蜜多經·卷十》](#)

如轉輪王具足七寶。云何為七？

所謂大觀察故、大隨順故、大智慧故、大精進故、大方便故、大證悟故、大事業故。

大觀察者菩薩摩訶薩：親近善友、聽聞正法，於一剎那悟一切法實相現前。

大隨順者菩薩摩訶薩：成就大智、大定、大悲、利益自他故。

大智慧者菩薩摩訶薩：見真實相我法皆空。

大精進者菩薩摩訶薩：於無量阿僧祇劫，大悲萬行能成辦故。

大方便者菩薩摩訶薩：得平等忍，不住生死不證涅槃。

大證悟者菩薩摩訶薩：證力無畏不共佛法，無量無邊大功德故。

大事業者菩薩摩訶薩：於生死中得大菩提，成就圓滿恆沙萬億佛事業故。

具足如是七種勝法而為法王，是名菩薩摩訶薩大乘善巧智。

~ 《大乘理趣六波羅蜜多經·卷十》，罽賓國三藏般若奉詔譯 ([CBETA全文](#))

(Source: [gustav@Facebook](#))

[hr]

相關經文：

佛說輪王七寶經 ([CBETA全文](#))

大方廣佛華嚴經卷二十九 ([CBETA全文](#))

[hr]

大方廣佛華嚴經卷二十九

T10n0293_p0794b02(12)	太子於十五日昇於正殿坐師子座，采女圍遶，輪王七寶自然而至。
T10n0293_p0794b03(03)	一者輪寶、名無礙行輻輳，
T10n0293_p0794b04(09)	具足百千妙寶以為莊嚴，閻浮檀金光明普照；二者象寶、
T10n0293_p0794b05(04)	名金剛山威力廣大；三者馬寶、名迅疾風；四者珠寶、
T10n0293_p0794b06(01)	名日光藏雲；五者女寶、名具足豔吉祥；
T10n0293_p0794b07(03)	六主藏臣寶、名為大財；七主兵寶、名離垢眼；
T10n0293_p0794b08(03)	如是七寶欻然出現，具足成就為轉輪王，
T10n0293_p0794b09(03)	主四天下；威德自在行正法化，能伏一切，
T10n0293_p0794b10(03)	人皆快樂。

[hr]

T01n0038_p0821a14(00)	
T01n0038_p0821a15(00)	
T01n0038_p0821a16(00)	
T01n0038_p0821a17(00)	No. 38 [No. 26(58), No. 99(721), No. 125(39.7)]
T01n0038_p0821a18(00)	佛說輪王七寶經
T01n0038_p0821a19(00)	
T01n0038_p0821a20(00)	
T01n0038_p0821a21(14)	西天譯經三藏朝奉大夫試鴻臚卿傳法大師臣施護奉詔譯
T01n0038_p0821a22(00)	如是我聞：一時，佛在舍衛國，與大芻苾眾俱。
T01n0038_p0821a23(00)	是時佛告諸苾芻言：「汝等當知，
T01n0038_p0821a24(05)	有剎帝利大灌頂王——已受灌頂得輪王位，
T01n0038_p0821a25(06)	威德自在人所尊重——出現世間，其王出時有七寶現。

T01n0038_p0821a26(03) 何等為七？所謂輪寶、象寶、馬寶、主藏臣寶、主兵臣寶、
T01n0038_p0821a27(01) 摩尼寶、女寶，如是七寶隨王出現。
T01n0038_p0821a28(07) 「何名輪寶？所謂千輻金輪最上殊妙，諸相圓滿有大威力，
T01n0038_p0821a29(00) 其金輪寶從空而下住王宮門，
T01n0038_p0821b01(05) 是時彼刹帝利大灌頂輪王，見是輪寶出已心大歡喜，
T01n0038_p0821b02(01) 即告侍臣言：『汝今速嚴四兵，當出遊幸。』
T01n0038_p0821b03(03) 是時侍臣受王命已，即嚴四兵，既嚴整已，
T01n0038_p0821b04(04) 即詣王所而白王言：『四兵已嚴，王出遊幸今正是時。』
T01n0038_p0821b05(01) 爾時彼刹帝利大灌頂輪王，
T01n0038_p0821b06(07) 即從座起整其衣服，出於宮門；彼千輻輪導於王前，
T01n0038_p0821b07(04) 從王右手順次而轉。是時彼王遊於四海，
T01n0038_p0821b08(05) 於少時間即還王宮，以其輪寶功能勝故。諸苾芻！
T01n0038_p0821b09(03) 此名刹帝利大灌頂輪王出時第一輪寶出現。
T01n0038_p0821b10(00) 「復次，諸苾芻！彼刹帝利大灌頂輪王出時，
T01n0038_p0821b11(01) 復有象寶出現，其相殊妙純白無雜，猶如大龍，
T01n0038_p0821b12(00) 七處具足圓滿而住，
T01n0038_p0821b13(09) 從於北方乘空而來住王宮門。是時臣寮見是事已，即馭王所，
T01n0038_p0821b14(02) 具以其事而白於王。
T01n0038_p0821b15(11) 彼大灌頂輪王見是象寶出已，心大歡喜內自思惟：『甚為賢善，最大殊勝，
T01n0038_p0821b16(00) 我有所用而必當取。』是時彼王謂諸臣言：
T01n0038_p0821b17(02) 『象寶出現，汝等宜應專勤守護備吾所用。』
T01n0038_p0821b18(02) 是時侍臣受王命已，於長時中專勤守護，
T01n0038_p0821b19(03) 善巧調習，無少損失，備王所用。」佛告諸苾芻：
T01n0038_p0821b20(04) 「往昔有刹帝利大灌頂輪王出世，
T01n0038_p0821b21(07) 是時亦有象寶出現，其王於晨朝時乘彼象寶，
T01n0038_p0821b22(06) 遊於四海即時還宮。汝等當知，象寶有是勝妙功能。諸苾芻！
T01n0038_p0821b23(00) 此名大灌頂輪王出時第二象寶出現。
T01n0038_p0821b24(00) 「復次，諸苾芻！大灌頂輪王出時，
T01n0038_p0821b25(05) 復有馬寶出現，其數有四，諸分圓滿而各有其上妙色相，
T01n0038_p0821b26(00) 所謂青、黃、赤、白，項頸妙好猶如謨囉，
T01n0038_p0821b27(03) 行步迅疾而復調善。是四馬寶出現宮門，
T01n0038_p0821b28(04) 爾時臣寮見是馬寶希有妙好，即馭王所。
T01n0038_p0821b29(05) 彼大灌頂輪王見是四馬寶已，心大歡喜內自思惟：
T01n0038_p0821c01(03) 『馬寶出現甚為賢善，我有所用必當如意。』
T01n0038_p0821c02(03) 彼大灌頂輪王而復宣言：『汝等諸臣！
T01n0038_p0821c03(06) 於長時中當勤守護善巧調習，我有所用而必當取。』
T01n0038_p0821c04(03) 是時臣寮受王命已，長時守護備王所用。諸苾芻！
T01n0038_p0821c05(00) 往昔有大灌頂輪王出世，
T01n0038_p0821c06(07) 是時亦有馬寶出現，其王於晨朝時乘是馬寶，
T01n0038_p0821c07(06) 遊於四海即復還宮。汝等當知，馬寶有是殊勝功能。諸苾芻！
T01n0038_p0821c08(00) 此名大灌頂輪王出時第三馬寶出現。
T01n0038_p0821c09(00) 「復次，諸苾芻！輪王出時復有主藏臣寶出現。
T01n0038_p0821c10(00) 是時有大寶藏，堅牢具足大財大富，
T01n0038_p0821c11(03) 彼臣所主。時主藏臣，即詣王所作是白言：『有大寶藏，
T01n0038_p0821c12(00) 一切殊妙珍寶具足，所謂金等一切寶物；
T01n0038_p0821c13(01) 王有所用，我當授王一切如意無少闕失。』
T01n0038_p0821c14(02) 是時輪王見是主藏臣寶出已，心大歡喜，
T01n0038_p0821c15(03) 又聞其言金等諸寶一切具足獲大如意。
T01n0038_p0821c16(04) 時王即謂彼主藏臣寶言：『汝今有如是色相神通威力，
T01n0038_p0821c17(00) 能主地中廣大伏藏，金等諸寶一切具足。
T01n0038_p0821c18(01) 觀如是事，甚為希有最上賢善，汝善主持，
T01n0038_p0821c19(02) 我有所欲汝當供給，餘非欲者亦善主持。』諸苾芻！
T01n0038_p0821c20(00) 汝等當知，此地伏藏，人所不見非人即見，
T01n0038_p0821c21(01) 輪王出時有主藏臣而自出現，
T01n0038_p0821c22(06) 為王守護一切供給，此名輪王出時第四主藏臣寶出現。

T01n0038_p0821c23(00) 「復次，諸苾芻！輪王出時復有主兵臣寶出現。

T01n0038_p0821c24(00) 是時彼臣，有大智略勇猛威德，

T01n0038_p0821c25(05) 大力色相一切具足，善御兵眾護王國界不令侵擾。

T01n0038_p0821c26(02) 時主兵臣詣於王所，白如是言：『大王當知，

T01n0038_p0821c27(03) 我善主兵守護王境，若時非時諸有所作，

T01n0038_p0821c28(04) 當如王意無少闕失。』是時彼王見是主兵臣寶出現已，

T01n0038_p0821c29(00) 心大歡喜即謂彼言：

T01n0038_p0822a01(11) 『汝今有大智略勇猛威德大力色相。若時非時一切能作，善御兵眾，

T01n0038_p0822a02(01) 守護國界，甚為賢善。汝當長時親輔於我，

T01n0038_p0822a03(02) 諸有所為汝善方便，汝今於王是大守護。』諸苾芻！

T01n0038_p0822a04(00) 此名輪王出時第五主兵臣寶出現。

T01n0038_p0822a05(00) 「復次，諸苾芻！輪王出時復有大摩尼寶出現。

T01n0038_p0822a06(00) 彼摩尼寶，最上色相妙好殊勝，

T01n0038_p0822a07(06) 有大光明圓滿具足，其光廣大普照一切，有大功能。

T01n0038_p0822a08(02) 於王宮中若有是寶，而彼夜暗非燈所照，

T01n0038_p0822a09(03) 寶出光明自然照曜猶如日光。諸苾芻！

T01n0038_p0822a10(05) 往昔有大輪王出世，是時亦有大摩尼寶出現，有大光明。

T01n0038_p0822a11(00) 彼王爾時欲驗其能，即敕臣寮速嚴四兵，

T01n0038_p0822a12(01) 當於夜分出遊園林。是時臣寮受王命已，

T01n0038_p0822a13(02) 即嚴四兵，速詣王所白如是言：『四兵已集，

T01n0038_p0822a14(03) 王出遊幸今正是時。』爾時彼王，

T01n0038_p0822a15(08) 即以大摩尼寶置旌旗上引導王前，於夜分中出遊園林。

T01n0038_p0822a16(03) 其寶光明照一由旬，其王四兵皆悉光明互相映曜，

T01n0038_p0822a17(00) 如天光明等無有異。諸苾芻！

T01n0038_p0822a18(06) 此名輪王出時第六大摩尼寶出現。

T01n0038_p0822a19(00) 「復次、諸苾芻！輪王出時復有女寶出現，

T01n0038_p0822a20(02) 最上色相諸分圓滿妙好第一，

T01n0038_p0822a21(07) 諸世間人無有等者，輕妙柔軟如幹啣梨，身諸毛孔出諸妙香。

T01n0038_p0822a22(00) 譬如盛香寶器，於一切時香氣常在。

T01n0038_p0822a23(03) 又復女寶所有出入之息，一一皆如青蓮華香，

T01n0038_p0822a24(02) 人所愛樂。如王所行女寶從後，

T01n0038_p0822a25(07) 諸有所作適悅自在，性行貞正不受邪染，常出愛語人所樂聞，

T01n0038_p0822a26(00) 面有光明人所喜見。諸苾芻！

T01n0038_p0822a27(06) 此名輪王出時第七女寶出現。」

T01n0038_p0822a28(00) 佛告諸苾芻：「如是名為輪王出時七寶出現。

T01n0038_p0822a29(00) 汝等當知，如來·應供·正等正覺出時，

T01n0038_p0822b01(03) 宣說七覺支法。何等為七？所謂念覺支、擇法覺支、

T01n0038_p0822b02(01) 精進覺支、喜覺支、輕安覺支、定覺支、捨覺支，

T01n0038_p0822b03(00) 如是名為七覺支法。唯除如來·應供·

T01n0038_p0822b04(03) 正等正覺出世宣說，如前七寶亦如是，

T01n0038_p0822b05(05) 唯除大灌頂輪王出時其寶出現。汝等當知，

T01n0038_p0822b06(05) 如來所說七覺支法，令諸眾生如理修行，

T01n0038_p0822b07(06) 一切皆得安樂利益，汝等當勤如是修學。」

T01n0038_p0822b08(00) 佛說輪王七寶經